

Adroddiad I:	Pwyllgor Archwilio Partneriaeth
Dyddiad y cyfarfod:	7 Tachwedd 2013
Aelod/ Swyddog Arweiniol:	Dirprwy Arweinydd/ Pennaeth Cynllunio Busnes a Pherfformiad
Awdur yr Adroddiad:	Swyddog Comisiynu a Gwerthuso, Tîm Partneriaethau a Chymunedau, Cynllunio Busnes a Pherfformiad
Teitl:	Teuluoedd yn Gyntaf

1. Beth yw pwrpas yr adroddiad?

- 1.1 I werthuso a monitro cynnydd y darparwyr hyd yn hyn wrth gyflenwi eu gwasanaethau, y Cynllun Gweithredu Teuluoedd yn Gyntaf, a Chanlyniad 4 yn y Cynllun MAWR.

2. Beth yw'r rheswm dros lunio'r adroddiad hwn?

- 2.1 Er mwyn darparu dadansoddiad trylwyr o ddarpariaeth y prosiectau hyd yma a fydd yn sicrhau bod holl brosiectau a gomisiynwyd ar darged i gyflawni'r canlyniadau disgwylidig yn unol â'u hamcanion tendro ac yn sicrhau gwell canlyniadau ar gyfer defnyddwyr gwasanaeth a defnydd effeithiol ac effeithlon o'r adnoddau ariannol a ddarparwyd.

3. Beth yw'r Argymhellion?

- 3.1 Bod y Pwyllgor Archwilio Partneriaethau yn cyflwyno sylwadau ac yn nodi y cynnydd cyflenwi ar gyfer y cyfnod 2012-13, ynghyd â derbyn yr wybodaeth ddiweddaraf ynglŷn â gweithgareddau'r rhaglen yn ystod y cyfnod ariannol presennol o safbwynt Rhaglen Teuluoedd yn Gyntaf yn Sir Ddinbych.

4. Manylion yr Adroddiad

4.1 Trosolwg Strategol

Mae Teuluoedd yn Gyntaf yn rhaglen arloesol sy'n hyrwyddo datblygiad ardaloedd awdurdodau lleol o systemau aml-asiantaeth a chymorth effeithiol, gyda phwyslais clir ar atal ac ymyrraeth gynnar i deuluoedd, yn enwedig y rhai sy'n byw mewn tldi. Mae Teuluoedd yn Gyntaf ynghyd â Dechrau'n Deg, Cymunedau'n Gyntaf a'r Gwasanaeth Cymorth i Deuluoedd Integredig yn helpu i gyflawni gweledigaeth Llywodraeth Cymru ar gyfer model y dinesydd o wasanaeth hygyrch, di-dor yn y gymuned gan bobl fedrus yn gweithio gyda'i gilydd i sicrhau bod darpariaeth yn cydweddu'n well ag anghenion unigol. O fewn Sir Ddinbych, mae cyllid o £1.2 miliwn (2012-13) a £1.3M (2013-14) wedi'i ddyrannu i gefnogi Gwasanaethau Heb eu Comisiynu a Gwasanaethau a Gomisiynwyd yn Strategol yn unol ag Arweiniad Teuluoedd yn Gyntaf.

4.2 **Teuluoedd yn Gyntaf – Cynnydd y Prosiect**

Mae'r Adroddiad hwn yn crynhoi gwybodaeth am gyflenwad gan ddarparwyr a gwybodaeth am ganlyniadau ar gyfer y cyfnod 2012-13, ynghyd â gwybodaeth ychwanegol o ran prosiectau a sefydlwyd yn hwyrach na'r dyddiad dechrau Ebrill 2012, ynghyd â manylion diweddaraf am yr hyn sydd wedi bod yn digwydd yn ystod y cyfnod 2013-14 hyd yn hyn. Gweler **Atodiad 1** yn amgaeedig - Rhaglen Teuluoedd yn Gyntaf yn Sir Ddinbych.

4.3 **Prosesau a gweithdrefnau i gasglu gwell canlyniadau i ddefnyddwyr gwasanaethau a defnydd effeithiol ac effeithlon o'r adnoddau ariannol**

Mae gwaith yn parhau i werthuso, dal, a gwella systemau. Bwriedir i'r wybodaeth yn yr adran hon hysbysu a sicrhau Archwiliad Partneriaethau am arferion a phrosesau da i sicrhau llywodraethu, perfformiad, monitro contractau, a chomisiynu yn y dyfodol cadarn.

4.3.1. **Mawrth 2013** - gwerthusiad o Atgyfeiriad Tîm o amgylch y Teulu a Phrosesau Atgyfeirio Panel Teuluoedd yn Gyntaf. Yn seiliedig ar y model presennol, gweler enghraifft yn amgaeedig o'r cyfnod 2012-13 o'r gwahaniaeth a wnaed i un teulu (**Atodiad 2 - Enghraifft o Astudiaeth Achos Teulu** – mae'r Atodiad hwn wedi ei eithirio rhag datgeliad cyhoeddus yn unol â pharagraffau 12 ac 13, Rhan 4, Atodlen 12A o Ddeddf Llywodraeth Leol 1972).

4.3.2. **Ebrill 2013** - Ilunio Fframwaith Gwerthuso a Monitro a Fframwaith Arweiniad (yn cynnwys contract, cyllid a gwybodaeth am berfformiad a monitro) Sir Ddinbych.

4.3.3. **Awst 2013** - pob Prosiect Teuluoedd yn Gyntaf wedi'i hysbysu am ddyddiadau ar gyfer dau ymweliad monitro i gael eu cynnal bob blwyddyn gan y Swyddog Comisiynu a Gwerthuso.

4.3.4. **Medi 2013** - GPSPI (Grŵp Partneriaeth Strategol Plant a Phobl Ifanc) wedi dod i ben. Yn ei le, cynhaliodd Grŵp Gweithredol Teuluoedd Sir Ddinbych newydd (teitl i'w gadarnhau) ei gyfarfod cyntaf er mwyn sicrhau rhyngwyneb gweithredol effeithiol rhwng rhaglenni allweddol megis Teuluoedd yn Gyntaf, Dechrau'n Deg a Cymunedau'n Gyntaf, gan gynnwys rheoli cyd-ddibyniaethau o weithgarwch o fewn cynlluniau gweithredu a rhwng rhaglenni. Bydd y Grŵp hwn yn gweithredu mewn rôl strategol ar gyfer y Rhaglen Teuluoedd yn Gyntaf yn Sir Ddinbych.

4.3.5. **Medi 2013** - awdurdodau Cymru wedi derbyn Templed Adrodd ar Gynnydd diwygiedig gan Lywodraeth Cymru o safbwynt casglu gwybodaeth am berfformiad.

4.3.6. **Erbyn mis Hydref 2013** - Ymweliad Monitro 1 i holl Brosiectau Teuluoedd yn Gyntaf gan y Swyddog Comisiynu a Gwerthuso.

4.3.7. **Hydref 2013** - Digwyddiad Rhwydweithio ar gyfer Darparwyr Teuluoedd yn Gyntaf i gyfnewid gwybodaeth am yr hyn y maent yn ei wneud, syniadau o safbwynt gofynion, beth sy'n gweithio'n dda, yr hyn nad yw ayyb

4.3.8. **Tachwedd 2013** - ailgynnull y Bwrdd Prosiect Teuluoedd yn Gyntaf (ei gylch gwaith yw sicrhau bod y broses yn sicrhau'r defnydd gorau o adnoddau i gyflawni

canlyniadau cadarnhaol sy'n diwallu anghenion dinasyddion, cymunedau a defnyddwyr gwasanaeth)

4.3.9. Tachwedd / Rhagfyr 2013 - Datblygiad pellach y JAFF (Fframwaith Asesu'r Teulu ar y Cyd) - Wreccsam a Sir Ddinbych yn gweithio gyda chwmni o'r enw 'Capita One' ac yn y camau olaf o weithredu fersiwn electronig o'r JAFF ar gyfer defnydd gweithredol.

4.4 Arfer Da o safbwynt cyflwyno, cynnydd a chanlyniadau Teuluoedd yn Gyntaf

4.4.1. Setiau Dysgu Teuluoedd yn Gyntaf

Mae Setiau Dysgu Rhanbarthol wedi cael eu sefydlu ar draws y meysydd Tîm o amgylch y Teulu, Rhianta, Perfformiad a Chomisiynu, ac Anabledd yn darparu cyfleoedd ar gyfer fforwm i bobl rannu profiadau, nodi nodweddion cyffredin a gwahaniaethau a chymryd camau yn eu hawdurdodau lleol ar y sail dysgu o'r set.

Mae'r Setiau Dysgu yn:

- Nodi gweithgareddau penodol ar gyfer cynllun gwaith eang i ddarparu ffocws ar gyfer trafodaeth Set Dysgu, gan gymryd i ystyriaeth y cynllun prosiect gweithio rhanbarthol
- Adnabod y dysgu a ddaeth i'r amlwg o drafodaethau, gan nodi sut y gall dysgu gael ei ddefnyddio er budd partneriaid ar draws holl awdurdodau lleol. Bydd y dysgu hwn yn dibynnu ar gasglu a rhannu tystiolaeth.
- Sicrhau y gellir rhannu adborth ac adrodd ar gynnydd rheolaidd ymysg aelodau'r grŵp a gweithredu priodol fydd yn sail i'r rhaglen ddysgu.

4.4.2. Prosiect Comisiynu Is-ranbarthol

Mae cyfranogiad Sir Ddinbych yn y Prosiect hwn (Cyllid Gwasanaethau Plant a Theuluoedd a Theuluoedd yn Gyntaf) wedi tynnu sylw at rai manteision allweddol gan gynnwys:

- ✓ Gwella cysondeb gwasanaethau ar draws Gogledd Cymru.
- ✓ Dylai gwasanaeth isranbarthol gynhyrchu arbedion ariannol i bob partner.
- ✓ Gall symleiddio systemau atgyfeirio wneud prosesau'n fwy effeithlon i asiantaethau sy'n atgyfeirio.
- ✓ Gall y broses arwain at godi safonau a rhannu arfer arloesol, er bod risg y bydd y gwasanaeth yn disgyn i'r enwadur cyffredin lleiaf sydd angen ei reoli.
- ✓ Gall osod safonau gofynnol ar draws Gogledd Cymru.
- ✓ Symleiddio'r gwasanaethau ar gyfer iechyd a chyrrff rhanbarthol eraill

5. Sut mae'r penderfyniad yn cyfrannu at y Blaenoriaethau Corfforaethol?

5.1 Mae'r Rhaglen Teuluoedd yn Gyntaf yn gyfrannwr allweddol i'r Cynllun Mawr: "Canlyniad 4 – mae teuluoedd diamddiffyn yn Sir Ddinbych yn cael eu cefnogi i fyw bywyd yn rhydd rhag tloidi lle gallant fod yn annibynnol a ffynnu".

6. Pa risgiau sydd ac a oes unrhyw beth y gallwn ei wneud i'w lleihau?

6.1 **Amserlen ynghylch ail-gomisiynu** – Mae'r rhaglen o fewn chwe mis olaf yr iteriad cyntaf gyda'r holl gontractau / cytundebau lefel gwasanaeth presennol yn dod i ben

ar 31 Mawrth 2014. Mae'r Bwrdd Prosiect Teuluoedd yn Gyntaf aml-asiantaeth yn ailymgynnull yn fuan ym mis Tachwedd 2013 i reoli'r broses gomisiynu mewn modd amserol a chyflwyno argymhellion i Grŵp Gweithredol Teuluoedd Sir Ddinbych (teitl i'w gadarnhau).

Swyddog Cyswllt:

Swyddog Comisiynu a Gwerthuso

Rhif ffôn: 01824 706291